

民國重修大邑縣志

石曾

卷

九八七

大足縣志卷七目錄

雜記

海棠香國三則

節義成雙

但築土城

空中樂聲

惠因院壁畫

寶珠溪

五桂樓

演教院碑

王方平碑

六經圖碑

吳孝子墓碑

高祖大風歌碑

宋徽宗手詔碑

西禪寺

寶頂寺

北山佛像

化龍潭詩

狀元故里

手機織佳句

孔癩子肉身

瑞蓮堂

星隕

孝泉井

鬼打更

武廟異聲

石缸泛舟

匪患與清鄉

紅燈教

大足縣志卷七

雜記

海棠香國一

有人調官都下踰年始得昌守己而求易便郡有彭淵材者聞而往謁曰昌佳郡也聞官欲易地誤矣曰俸優乎曰否訟簡乎曰否然則奚誤淵材曰海棠患無香獨靜南者有香非佳郡而何故昌號海棠香國土人云地宜此花易植易蕃郡治香霏堂一老樹重趺疊萼每花或二十餘朵花氣穠郁餘不能及也孔平仲談苑載淵材詠海棠有雨過溫泉妒妃子露濃湯餅試何郎之句見蜀中廣記方物記曰

海棠香國二

昔有調昌州守者求易便地彭淵材聞而止之曰昌州佳郡也守問其故曰海棠患無香獨昌州產者香故號海棠香國非佳郡乎見方輿考

海棠香國三

海棠有色而無香惟昌州色香俱勝大足治中舊有香霏閣號曰海棠香園見宋洪雅令沈立海棠記

節義成雙

雍氏昌州人其夫昌化趙卯發也卯發以上舍登第權通判池州元兵渡江池守棄官去卯發攝州事知不可守乃謂雍氏曰城將破矣吾守臣不當去汝先出州雍氏曰君為命官我為命婦君為忠臣我獨不能為忠臣婦乎因請先死卯發止之及兵薄池卯發晨起書几上曰君不可叛城不可降夫妻同死節義成雙與雍盛服同縊死於從容堂見蜀中廣記人物記

但築土城

單煦平原人初知洛陽縣轉知昌州時詔城蜀煦以蜀負山帶水一旦毀籬垣而興版築其費鉅萬非民力所堪請但築土城轉運使即移檄諸郡如其議後徙清平軍擢御史左遷知濮合二州合居涪漢間夏秋

惠水淫潦煦築東堤禦之累官光祿卿見蜀中廣記宦游記

空中樂聲

蜀昌州牧任彥思家忽聞空中有樂聲極雅麗悲切竟日不休空中言曰與吾飲食來任問是何人竟不肯言本末過於靜室設食如人食無遺自此以為常或時不與即敗破什器蟲飛入人耳中烈火四起彥思惡之移住他處怪輒先至如此凡七八年忽一日不聞樂聲置食無所饗廳舍後壁上血書詩曰物類易變遷我行人不見珍重任彥思相別曰已遠彥思惡其題以刀刻之而字沁入木終不知是何鬼也見集異記

惠因院壁畫

昌州惠因院藏經殿後壁有石恪作水墨文殊詣維摩問疾一堵見蜀中廣記畫苑記

寶珠溪

寶珠溪在治南四十里唐貞觀時漁人郭福者夜捕魚見水際有光卽之有蚌如斗剖得珠徑寸獻之太宗賜以積善井碑碣存見蜀中廣記名勝記

五桂樓

五桂樓在治東宋乾道間邑士陳伯雄文章羅翺鮮仲文趙希樞五人同榜奏名太守曹岍建樓旌之今廢圯見道光志

演教院碑

演教院碑在昌州舊基院有斷碑載唐咸通歲縣令唐允中建見王家之碑目考

王方平碑

王方平碑在昌州郡學顏魯公書見王家之碑目考

六經圖碑

六經圖碑在昌州郡學郡人楊甲鼎卿著見王家之碑目考

吳季子墓碑

吳季子墓碑在昌州北山相傳以為孔子書開元中殷仲容奉詔摹搨大曆中蕭定刊之潤州有張從申題其後見王象之碑目考

高祖大風歌碑

高祖大風歌碑在昌州北山見王象之碑目考

宋徽宗手詔碑

縣之東禪寺有宋徽宗手詔碑見蜀中廣記名勝記

西禪寺

西禪寺為晉永和時建見蜀中廣記名勝記

寶頂寺

寶頂寺唐柳本尊學吳道子筆意環巖數里鑿浮屠像奇譎幽怪古今所未有也見蜀中廣記名勝記

北山佛像

縣郭外北山沿巖數里許皆刻佛像一維摩居士大類吳道子筆法見蜀中廣記畫苑記

化龍潭詩

化龍潭在縣東三十里烏雲山下俗呼黑水沱潭側石巖上刻古迹龍潭所求靈感八大字後鐫母子拜別像依稀可辨末刻詩云龍潭古蹟永流風有母提籃在手中望着好兒北海去到頭變化一場空又詩云誰人不願子成龍望得成龍也是空末二句石刻駢落見道光志

狀元故里

宋古狀元故里碑在縣南七十里地名狀元冲明萬曆時立邑人李型典書碑後云余聞縣南狀元冲久矣歲丙申正月十二日至其境見一碑屹然高六尺寬三尺中刻宋古狀元故里六字字徑六寸諦視之右刻大足縣三字左刻萬曆十二年二月吉八字字亦完好惜未載狀元何名佇望之餘時碑左十弓許有桑柘人家柴扉外一叟出馬就而問

之黎姓為予言曰不惟是也宅後有八方石柱高七尺上刻萬曆年號與碑同父老相傳即昔日狀元之遺址也言訖仍返至碑所去塵土洗苔蘚摩挲而歸爰考通志宋時進士四千四百有奇惟元符三年庚寅科李釜榜有古詢直乃金堂人又考舊邑志載宋時進士四十三人而古氏不一書豈兵燹後書泐有間耶姑錄之以俟後之博古者見道光志

千機織佳句

海棠池在縣署西側約廣二十餘畝可種蓮芡蓄魚海棠原非池中物因昌州舊號海棠香國故池亦以海棠名前代原屬署內自兵燹後招復之民繞池而居既久佔為己業乾隆乙卯知縣七寶始查出收租以為禮生口食嘉慶甲子知縣潘相撥入書院以益修脯道光十年建修考棚於池內掘得古碑半幅審視之字尚完好惜作者姓名並歲月日時不知所在但見其首有千機織佳句五字次愛蓮詩至人於物本無

愛於此胡為生愛心與吾臭味苟有合聊復寓意以自箴濂溪百世師
晁侯千載士所見既同流其愛故相似次坐嘯詩憶昔使君初下車日
恤民隱食至晡報政曾未期月餘山堂坐嘯一事無年穀順成政易孚
田里鼓腹歌袴襦太守憂樂與民俱能不為之解顏乎何用多智籠羣
狙切莫擾之如庸夫抱琴閒來時自誤悠然天和中發舒一嘯三邑凋
瘵蘇再嘯千里躋華胥試問南陽公孝徒汝亦何功幕中居蘇門遺世
隘六虛劉生矯情却強胡二子未免為拘拘較公所遜為何如次立雪
詩六月火雲赫大地金石裂誰於山之阿壁立千丈雪凜凜屹霜稜皎
皎映寒月對之毛骨竦

缺一

解五內熱清為玉壺冰表裏俱瑩澈見道

光志

雞棲山

雞棲山在縣南下有藏馬巖相傳蜀王時產龍馬於此見與地紀勝

孔癩子肉身

高坑巖由龍水鎮行五里許巖高十餘丈腰間一洞深廣可容數十人
中有古棺一具舊傳孔癩子投江而死葬此至今棺如故屍尚存每當
重午佳節鎮人觀者如堵下臨深潭急流奔湍聲聞數十里見道光志

瑞蓮堂

瑞蓮堂在縣署右側明萬曆時蓮生并蒂縣令張養性建堂以彰之周
廷侍為之記見道光志

孝泉井

孝泉井在縣治西街宋進士何光覺母病渴危禱諸天地而泉湧出里
人名為孝感泉好善者因鑿為井曰孝泉井後為豪右掩匿明嘉靖己
酉知縣李茂陽復掘得之後十年董極為碑記誌其始末見道光志

鬼打更

劉天成乙齋為御史時上疏通舉班禁止溺女改定服式及厚風俗以
培國脈等奏甚著賢聲士林嘉之嘗租西河沿一宅每夜有數人擊柝

聲琅琅徹曉其轉更攢點一一與譙鼓相應視之則無眴耳至不能眠
乙齋故強項乃自撰一文指陳其罪大書貼壁以驅之是夕遂寂乙齋
自詫不減昌黎之驅鱷也紀曉嵐昀謹之曰君文章道德似未必及昌
黎然性剛氣盛平生不作曖昧事故敢悍然不畏鬼又拮据還此宅力
竭不能再徙計無復之惟有與鬼以死相持此在君為困獸猶鬪在鬼
為窮寇勿追耳君不記太平廣記載周書記與鬼爭宅鬼憚其強而去
乎乙齋笑擊紀背曰魏收輕薄哉然君知我者見錦里新編

武廟異聲

清咸豐十年滇匪餘孽竄圍縣城城南有武廟逼近南關醉竈之夕聞
廟內磨刀霍霍聲次日一男子忽仆廟門旋甦語衆曰好為善勿畏賊
吾當為汝等殄滅之語畢仍仆歷一時許再甦逡巡去見光緒志

石缸泛舟

清同治十二年癸酉大水由西南衝入城中深五六尺激塌南垣十餘

丈龍神祠右一石缸可注水二十餘石外贅以石是夜浮起若舟移置二百步外古石坊側瀕河街房三椽全圯如有物冲塌者然沿河一帶場鎮村廬盡被漂沒見光緒志

匪患與清鄉

清宣統三年辛亥秋繼保路同志會而起有同志軍同志軍者哥老會魁桀號召羣不逞之徒烏合蟻附非有營伍之編制及訓練之素也時本縣同志軍首領為張桂山陳璧光楊裕成李化成鄭典章等桂山尤驍悍早為余棟臣先鋒棟臣既擒桂山亡命草澤至是復出聲勢甚盛是年冬四川反正桂山掠地富順璧光奉重慶都督府委任地方司令官次年為民國元年滇軍擊潰桂山於自流井璧光亦解職向之聚者又復散歸於是閭閻之間騷然不靖矣各鎮鄉人士乃倡為團練自衛之議官是邦者亦躋之及古龍村團總陳淵閣誘殺李化成陳致祥輩盜風遂戢二年黃興首義南京聲討袁世凱川軍第五師師長熊克武

響應之兵敗五師駐縣部隊皆消散匪勢復熾三年潼南匪張缺牙已竄雲路場縣警備隊長趙國斌率隊迎擊之張敗走西山西山自是為匪肆四年第一師支隊長伍德明奉命來縣清鄉誅戮巨匪數百名地方肅清五年袁世凱稱帝改元洪憲西南各省義士紛起護國招撫匪徒改編成軍時鄭典章為護國狙擊軍第三支隊長劉楷為第四支隊長潘月淵為營長皆著匪新撫者也五月鄭潘等掠地本縣縣知事李圻糾合團練閉城以拒之激戰數日斃潘月淵於西門外縱隊長鄭英加派第一支隊黃漢英營長但堯卿等增援城破李圻率警備隊逃免至銅梁以警備隊械彈抵借銀五百兩潛遁重慶黃漢英等入城以後四鄉匪勢復熾人民多遷入場市或踞寨自保是年三驅場屢遭焚劫雍溪場界牌寨為匪攻破即保於場寨者亦惴惴不敢自以為安也七年正月榮昌匪鄧鵬程等數千來圍龍水鎮團總陸嗣澄連絡玉龍十萬及銅梁之三教板場各場團練以禦之十餘日圍解而言團練者稱

龍水鎮鎮人士亦引以自慰。建十二年，全縣淪為匪區。四川各軍皆以招撫為唯一增厚武力之法，而强悍者亦視為匪為入官之終南捷徑。時諺有柏林大學、華鑒大學、綠林大學，蓋以柏林口、華鑒山皆著名匪藪，而綠林者，匪之通稱，謂其出身之貴，堪與大學頡頏也。是年，玉龍鄉團練解體，匪首何某、楊某、易某等盤踞西山一帶。龍水鎮團總鄭海北督率團練扼要設防。一月之間，大小七戰，卒將何匪等擊潰。由駐永魏師招撫成軍而去。匪勢漸衰。十三年，銅梁團練局長馬光昭招撫西山匪鄉，見雲為山防隊長。本縣亦援例會委卿為山防隊長。大足三分隊共土雜槍一百零四枝，給直四千七百四十二元。月餉由團練局支給。常駐玉龍場負西山全部治安責任。旋卿自率所部從軍陣亡。各鎮鄉雖時有匪徒出沒，隨起隨滅，亦未為巨患也。二十七年，楊三級崛起馬頸坳，為大榮兩縣交界。此剿彼竄，飄忽無常。凡附近馬頸坳之李家雙河、各鄉及榮昌吳家鋪、內江觀音灘、安岳楊家場等地，無時不有匪警。